

Na osnovu člana 34. Zakona o radu („Službene novine Federacije BiH“, broj:26/16, 89/18, 44/22 i 39/24), člana 16. Pravilnika o radu REZ Agencije br. 13-1-1/2021 i Programa „Stručno osposobljavanje bez zasnivanja radnog odnosa nezaposlenih osoba bez radnog iskustva za potrebe Vlade Zeničko-dobojskog kantona za period 2026.-2027.godina“, broj: 09-30-7171-1/26 od 27.04.2026. godine, Regionalna Razvojna Agencija za regiju Centralna BiH – “REZ” d.o.o. Zenica objavljuje:

JAVNI OGLAS

za prijem lica bez radnog iskustva na stručno osposobljavanje bez zasnivanja radnog odnosa za potrebe Vlade Zeničko-dobojskog kantona

I PREDMET JAVNOG OGLASA

Regionalna razvojna agencija za Centralnu BiH – “REZ” d.o.o. Zenica objavljuje Javni oglas za prijem lica ne starijih od 35 godina starosti radi stručnog osposobljavanja za samostalan rad, bez zasnivanja radnog odnosa nezaposlenih osoba bez radnog iskustva za potrebe Vlade Zeničko-dobojskog kantona za period 2026.-2027.godina, u trajanju najduže godinu dana, i to:

1. Lica sa VSS/VII stepenom stručne spreme ili visokim obrazovanjem prvog ili drugog ciklusa Bolonjskog sistema studiranja koji se vrednuje sa najmanje 180 ECTS bodova, drugog (240 ECTS bodova) ili trećeg ciklusa Bolonjskog sistema studiranja,
2. Lica sa SSS/IV stepenom stručne spreme.

II MJESTO I TRAJANJE STRUČNOG OSPOSOBLJAVANJA

1. Mjesto rada primljenih lica na stručno osposobljavanje su kantonalna ministarstva, tijela kantonalne uprave i javne ustanove čiji je osnivač Skupština Kantona sa sjedištem u gradu Zenica.
2. Prijem lica na stručno osposobljavanje bez zasnivanja radnog odnosa vrši se na određeno vrijeme u trajanju:
 - od 12 mjeseci za lica sa završenom Visokom stručnom spremom
 - od 6 mjeseci za lica sa završenom Srednjom stručnom spremom

III SPISAK TRAŽENIH ZANIMANJA

➤ Visoka stručna sprema (VSS)

Zanimanja u okviru društvenog smjera, odnosno diplomanti fakulteta iz grupacije društvenih nauka, kako slijedi:

1. Ekonomski fakultet
2. Pravni fakultet
3. Fakultet političkih nauka

Zanimanja u okviru humanističkog smjera, odnosno diplomanti fakulteta iz grupacije humanističkih nauka, kako slijedi:

1. Filozofski fakultet
2. Pedagoški fakultet
3. Fakultet islamskih nauka
4. Katolički bogoslovni fakultet

Zanimanja u okviru medicinskih nauka, odnosno diplomanti fakulteta iz grupacije medicinskih nauka, kako slijedi:

1. Medicinski fakultet
2. Stomatološki fakultet
3. Farmaceutski fakultet
4. Veterinarski fakultet
5. Fakultet zdravstvenih studija

Zanimanja u okviru tehničkih nauka, odnosno diplomanti fakulteta iz grupacije tehničkih nauka, kako slijedi:

1. Elektrotehnički fakultet
2. Mašinski fakultet
3. Građevinski fakultet
4. Arhitektonski fakultet
5. Saobraćajni fakultet
6. Fakultet za metalurgiju i materijale

Zanimanja u okviru prirodno-matematičkih i biotehničkih nauka odnosno diplomanti fakulteta iz grupacije prirodno-matematičkih i biotehničkih nauka, kako slijedi:

1. Poljoprivredno-prehrambeni fakultet
2. Šumarski fakultet

➤ **Srednja stručna sprema (SSS),**

1. Ekonomski tehničar– IV stepen
2. Hotelsko-turistički tehničar– IV stepen
3. Maturant gimnazije – IV stepen
4. Poslovno-pravni tehničar – IV stepen
5. Medicinska sestra/tehničar – IV stepen
6. Laboratorijski tehničar – IV stepen
7. Elektrotehničar – IV stepen
8. Arhitektonski tehničar– IV stepen

IV OPĆI USLOVI

1. Kandidati prijavljeni na javni oglas radi sticanja radnog iskustva poslije stečene visoke stručne sprema moraju ispunjavati opće uslove propisane članom 25. stav 1. Zakona o državnoj službi u Federaciji BiH ("Službene novine Federacije BiH", br. 29/2003, 23/2004, 39/2004, 54/2004, 67/2005, 8/2006, 77/2006 - odluka US, 34/2010 - odluka US, 45/2010 - dr. zakon, 4/2012, 99/2015 i 9/2017 -odluka Ustavnog Suda) i to:

- a) da su državljani BiH
- b) da su stariji od 18 godina
- c) da su zdravstveno sposobni za obavljanje poslova za koja se prijavljuju
- d) da imaju univerzitetsku diplomu najmanje VII stepena stručne sprema odnosno visoko obrazovanje prvog (180 ECTS bodova), drugog (240 ECTS bodova) ili trećeg ciklusa Bolonjskog sistema studiranja,

2. Kandidati prijavljeni na javni oglas radi sticanja radnog iskustva poslije stečene srednje stručne sprema moraju ispunjavati opće uslove propisane članom 24. Zakona o namještenicima („Službene novine Federacije BiH“, broj: 49/05, 45/10 i 103/21)

- a) da su državljani BiH
- b) da su punoljetni
- c) da imaju opću zdravstvenu sposobnost za obavljanje poslova za koje se prijavljuju
- d) da imaju svjedocanstvo/diplomu o stečenoj srednjoj školskoj spremi-IV stepen

V POSEBNI USLOVI

Pored općih uslova, kandidati prijavljeni na javni oglas moraju ispuniti i posebne uslove i to:

- a) da se nalaze na evidenciji nezaposlenih lica kod JU Služba za zapošljavanje ZDK,
- b) da nemaju radni staž, niti radno iskustvo nakon sticanja tražene stručne sprema za određeno zanimanje.

VI SPISAK POTREBNIH DOKUMENATA

Kandidati su dužni uz potpisanu prijavu s kraćom biografijom dostaviti sljedeće dokumente:

- a) izvod iz matične knjige rođenih, ne stariji od 6 mjeseci,
- b) uvjerenje o državljanstvu, ne starije od 6 mjeseci,
- c) diploma ili uvjerenje o završenom VII stepenu stručne spreme visokog obrazovanja odnosno najmanje prvog (180 ECTS bodova), drugog ili trećeg ciklusa Bolonjskog Sistema studiranja (VSS). U slučaju da fakultet nije završen u BiH, strana diploma mora biti nostrificirana (dokaz o nostrifikaciji).
- d) diploma o završenom IV stepenu stručne spreme (SSS),
- e) dokaz o ostvarenom prosjeku ocjena cjelokupnog završenog studija na fakultetu (VSS, dodatak diplomi) ili priloženo svjedočanstvo za četverogodišnje školovanje (SSS),
- f) ovjerenu izjavu kandidata datu pod punom krivičnom, moralnom i materijalnom odgovornošću da nema radno iskustvo nakon sticanja tražene stručne spreme do prijave na Javni oglas,
- g) uvjerenje Službe za zapošljavanje ZDK da se kandidat nalazi na evidenciji nezaposlenih lica, s podatkom o dužini vremena provedenom na evidenciji nakon sticanja tražene stručne spreme (SSS I VSS).

Dokumenti koji se prilažu uz prijavu moraju biti u originalu ili ovjerenoj kopiji (dokumentacija se ne vraća). Dostavljeni lični podaci kandidata obrađivat će se isključivo u svrhu provođenja postupka po ovom javnom oglasu, u skladu sa važećim propisima o zaštiti ličnih podataka.

Kandidati koji budu na konačnoj rang listi, prije zaključivanja pojedinačnih ugovora, će biti u obavezi dostaviti ljekarsko uvjerenje i potvrdu o otvorenom transakcijskom računu kod banke.

VII ROK ZA PODNOŠENJE PRIJAVA, MJESTO I NAČIN DOSTAVLJANJA

Prijave sa traženom dokumentacijom dostaviti najkasnije do **25. Maj 2026.** godine. Prijave pristigle na taj datum će se uzeti u razmatranje.

Svu potrebnu dokumentaciju dostaviti preporučeno putem pošte ili direktno na adresu:

REGIONALNA RAZVOJNA AGENCIJA ZA CENTRALNU BIH – “REZ” d.o.o. Zenica

ŠTROSMAJEROVA 11/3

72000 ZENICA

Sa naznakom:

“Prijava na Javni oglas za prijem lica bez radnog iskustva na stručno osposobljavanje bez zasnivanja radnog odnosa za potrebe Vlade Zeničko-dobojskog kantona za period

2026.-2027.godina”

NE OTVARAJ

VIII OSTALE NAPOMENE

Zaprimljene prijave razmotrit će posebno formirana Komisija za izbor korisnika programa. Sve prijave koje budu neblagovremene, nepotpune i neuredne bit će odbačene kao formalno neispravne i neće biti predmetom bodovanja. Komisija za izbor korisnika programa izvršit će bodovanje samo kandidata koji ispune opće i posebne uslove propisane Pravilnikom o utvrđivanju uslova, kriterija, načina bodovanja i prijema kandidata prijavljenih na javni oglas za učešće u Programu, te će sa svakim kandidatom obaviti usmeni intervju, prilikom čega će ocijeniti opći dojam koji je kandidat ostavio tokom intervjua.

Konačna rang lista kandidata biti će javno objavljena na web stanicama Zeničko-dobojskog kantona, REZ-a i JU Služba za zapošljavanje Zeničko-dobojskog kantona. Pojedinačna obaviještenja kandidatima se neće dostavljati.

Kandidati koji se ne budu nalazili na Konačnoj rang listi mogu izjaviti prigovor na istu u roku od 3 dana od dana posljednje objave Konačne rang liste Regionalnoj razvojnoj agenciji za regiju Centralna BiH-“REZ” d.o.o..

Svaki kandidat s kojim se zaključi pojedinačni ugovor ostvarit će pravo na naknadu za rad u skladu sa članom 3. stav (2) Zakona o posredovanju u zapošljavanju i socijalnoj sigurnosti nezaposlenih osoba (“Službene novine FBiH”, broj: 41/01,22/05 i 9/08), u iznosu do 25% posljednje objavljene prosječne plaće u FBiH za 2025. godinu.

Kandidati će biti osigurani za slučaj invalidnosti i smrti zbog povrede na radu ili profesionalne bolesti za vrijeme rada kod poslodavca bez zasnivanja radnog odnosa u skladu sa članom 17. stav (1) Zakona o penzionom i invalidskom osiguranju (“Sl. novine FBiH”, br. 13/2018, 93/2019 - odluka US, 90/2021, 19/2022 i 42/2023 - odluka US, "Sl. glasnik BiH", br. 43/2024 - odluka US BiH i "Sl. novine FBiH", br. 47/2024, 19/2025 i 6/2026). Pravo na zdravstveno osiguranje ostvarivat će u skladu sa propisima za nezaposlena lica putem JU Služba za zapošljavanje Zeničko-dobojskog kantona.

U pojedinačnim ugovorima s kandidatima bit će precizirano ministarstvo ili drugo tijelo kantonalne uprave ili javna ustanova čiji je osnivač Skupština Kantona u koje se kandidat raspoređuje na obavljanje stručnog osposobljavanja bez zasnivanja radnog odnosa.

Sve dodatne informacije mogu se dobiti na broj telefona: 032/462-161 ili mail: info@rez.ba

Zenica, 11. Maj 2026. g.

Dostaviti:

1x Službena web stranica REZ Agencije

1x Službena stranica Zeničko-dobojski kanton

1x Službena web stranica JU služba za zapošljavanje Zeničko-dobojskog kantona

1x Komisija za provođenje Javnog oglašavanja